



Tir Yimym

www.tiryimym.in

Regd. No. RNI. NAGAAO/ 2004 / 13113. Postal-NE/RN-717.

e-mail : tiryimym@gmail.com

TAPAK 8

Yangia anidakangma :



Tir Yimym



tiryimym@aolima




tir yimym

TAPAK 7

Paris Paralympics 2024: Naganungger Hokato Sema-i bronze angu

France PM tasenba Barnier mechi longkak aiter



VOL. XXI ISSUE NO. 326 (ADOK 326) DIMAPUR AMUNGNÜ (SUNDAY) RONGJUI (SEPTEMBER) 08, 2024 ₹ 5.00

Survival Nagaland movement 2 tenzüksüla: RPP

Dimapur, September 7, 2024 (TYO): Tanü Nagaland-i ozüing alema aruba khuret atema Survival Nagaland movement 2 nüngdaker ta Rising Peoples' Party (RPP)-i metetdaksüogo.

Iba khuret atema sendakteper alirtem aser talisa NSF-i küm aika ozüing alema aruba azüoktsü atema mapa aika inyakogo saka tanü asenoki mapa tuluba ka inyaksü nüngdakba ajitetar ta RPP-i ashi.

CSOs, kin hohotem, lanur tentet, kaketshir tentet aser political party tem ajak longiemer iba mapa inyaksüla. AKM-i 2007 nung Survival Nagaland campaign inyakba ajanga asenoki ajungmesor memendang ozüing

alema arurtem azüoktsü atema pan-Nagaland youth force/body ka tentettsüla ta parnokisa ashi.

Tang atema Nagaland tenemtsünglen aliba kin hohotem, kaketshir aser lanur teloktemi Foothill Area Youth Force tentet nung junger ta RPP-i ayongzükogo.

Tebilemtsü onük balala ajanga asenok loktiliba nung telemsa adoka lir saka ozüing alema aruba ya asenok ajak atema lendong ka lir. Anungji tanü iba tebilemtsü anema inyaksü asoshi asenok longiemtsü nüngdaker. Nagaland state nung alirtem aser talisa kin lanur teloktemi iba tebilemba agizükba mapa inyaksü mepishir, ta Rising Peoples' Party-isa ashi.

Nagaland inter-state entry points/check gates akangshir

Dimapur, September 7, 2024 (TYO): Nagaland-i ozüing alema nisung aika arur ta osangtem angazükba sülen Commissioner of Police, Dimapur-i September 7, 2024 nü arrtsü akangshio.

Nagaland nung inter-state entry points/check gates ajak nung mita anüker, Dimapur Railway station nung checking counters 3 lapokogo aser entry points ajak nung tenük yokdar ta Commissioner of Police-i ashi.

Commissioner of Police-isa public, NGOs aser CSOs ajak dang taittsü aketba maparen mesüra nisungtem senzüba osang police nem sangoktsüsü ayongzükogo.

Police Control Room: 7085055050, Commissioner of Police, Dimapur: 7085055001, DCP Dimapur: 7085055002, DCP Chumoukedima: 7085055003, DCP Nuiland: 7085055005 & ACP(SB/Crime): 7085055009.

ANCSU 2nd Union Assembly kaogo

Dimapur, September 7, 2024 (TYO): September 7, 2024 nü Oriental College, Kohima nung All Nagaland College Students' Union (ANCSU) 2nd Union Assembly kaogo.

ANCSU Speaker Dzüzüve Swüro menden ser Union Assembly nung affiliated units 40 nungi College 27 aden.

Tanü senden nung Kohima Science College ali atsünga agiba, Higher Education Commission aser Scholarship

Nodal Cell tentettsüba onüktem benoka lemsatop.

ANCSU Union Assembly nungsa Dimapur Government College nung Science Stream tenzüksü aser boundary fencing wall indang onük lemsatop.

Parnokisa sorkar college tem nung bus gari aser infrastructure peria maliba den ANCSU Biennial Collegiate Meet 2024 aser Coaching institutes onüktem lemsatopa liasü.



September 7, 2024 nü Chümoukedima nung Nagaland Governor La Ganesan-i NHIDCL Director (Technical), Atul Kumar aser ketdangsurtem den ajurutepeba angur. Iba senden nung Governor Ganesan-i NHIDCL dang tekaratiba nung NH29 nung anentsüh aluba yadoka lenmang lapoktsü aser highway dak sendakba maparen tembangtsü ayongzük.

Union MoS Athawale-i Nagaland nung shishilembatsü jaoker

Dimapur, September 7, 2024 (TYO): Nagaland renloka aotsü lenmang sadema lir anungji investors ajungmesotsü ta Union Minister of State for Social Justice & Empowerment, Ramdas Athawale-i ashi.

Niathu Zone nung osangbener den sensaksemdang "kodang investors arua Nagaland nung mapa tenzükdir state nung mapa manguba lanurtem kanga ajangzüksü" ta Ramdas-i ashi.

Ramdas ya Maharashtra nungi lir aser pai Nagaland Chief

Minister Neiphu Rio dang India nung commercial capital Mumbai semdanga shishilembartem den ajuruteptsü jaok.

Union MoS-isa Social Welfare department ketdangsurtem dang Composite Regional Centre, Eralibill, Dimapur, De-Addiction Centre for Female & under 18 boys aser District Disability Rehabilitation Centre, Dimapur, Mon & Tuensang onüktem reprangshimtsü nangzük.

Pradhan Mantri Jan Dhan Yojana scheme kübok Nagaland

nung accounts lakh 3 lapokogo aser iba atema Rs 122.21 crore lemezüksüogo. Pradhan Mantri Mudra Yojana kübok beneficiaries 1,40,000 nem Rs. 1928.45 crore agütsüogo ta paisa metetdaksü.

Pradhan Mantri Ujjawala Yojana kübok beneficiary 1,22,000 nem gas connections agütsü aser 2018-2024 nung Pradhan Mantri Awas Yojana (Rural) kübok Rs. 310.52 crore endoka ki 10,000 yangluogo ta Ramdas Athawale-isa ashi.

Manipur nung nisung 6 khaset; Army helicopter ajanga anüker

Imphal/New Delhi, September 7, 2024 (Agencies): Manipur kübok Jiribam district nung Honibarnep nisung 6 khaset ta police-i metetdaksü.

Kuki nungter telungpurtem ta temulung melemi bilemer kari Nungchappi yimtsüng amak aser idangji arishi küm 63 tain Yurembam Kulendra Singha khaset.

Manipur kübok Moirang jila nung Meitei nungter teimba ser alidak Kuki telungpurtemi rocket-propelled bomb amshia amakdang tambur ka sarasadema lia tepsetba sülen anogo ka lir tanü iba lendong atalokogo ta police-i metetdaksü.

Tanüngba nisung punguji Meitei aser Kuki nungter tsüngda khatepdang asü. Parnok dang "village defence volunteers" ta ajar.

Kin ana nungi village defence volunteers tsüngda khatepba osang angashia police telok ka tesem jagi ao aser parnokki tensaji azüoktet ta Jiribam

Superintendent of Police (SP)-i ashi.

"Yashi Kuki telungpurtemi Bishnupur aser Churachandpur arrtsülen tesem kar amak. Iba atema security forces-i combing operations inyakkdang bunkers ana raksatsü. Iba sülen Kuki telungpurtemi Moirang amakdang tain ka khaset aser nisung trok yirutsü" ta Inspector General of Police (Intelligence) K Kabib-i ashi.

"Tanü Kuki telungpurtemi Jiribam nung yimtsüng ka amakdang tain ka khaset. Telungpurtemi injang khatokba manen aser parnok jena ao. Idangji village volunteers kari parnok den khatep aser Jiribam police tesem tonga aodang parnok dak-a injang khaloktsüba agi meyipa khatep" ta Kabib-isa ashi.

Biren Singh-i aniba sorkari telemsa adoktsü atema inyakba sülen senden nung adenba lennirtemi anidakar ta Hmar

Impui-isa metetdaksü.

Manipur nung Kuki telungpurtemi Imphal West district nung drones amshia amakba sülen "anti-drone system" ka mapa lemezüksüogo ta police-i ashi.

Army helicopters-i anüng nungi mita repranger aser ali nung temulung malemba tesemtem nung combing operations inyakdar. Külen police telok kati social media posts nung ozüing alema inyaksü ajungmesortem reprangdar ta Manipur police-i metetdaksü.

Hokolbar nikongdang nisung telok kari 2nd aser 7th Manipur Rifles camps nungi prangpongtem auyatsü merang saka security forces-i parnok noktanga liasü.

Iba mapang nisung telok nung jagi injang khaloktsüdang police ana- inspector Kh Henery aser constable Issac Gangmei na yiru aser tena mozü kidang anepaludar, ta police-isa shisem.

Governor nungi power reforms rules atema temelaba mangu

Kohima, September 7, 2024 (TYO): Nagaland nung tawa monsoon session agidang power reforms atema government rules asem benok aser item asoshi Governor La. Ganesan ket nungi temelaba ano mangu lir.

Government rules asemji- The Nagaland Communitization of Electricity Management in Village by Village Councils (First Amendment) Rules, 2024; The Additional Conditions of Supply of Electricity to Villages (First Amendment) Rules, 2024 aser sorkari The Nagaland Communitization of Electricity (Management in Urban Areas by Urban Electricity Management Board) Rules 2004 agientsüba lir.

August 29 nü monsoon session tembangba anogo nung Power and Parliamentary Affairs Minister K G Kenye-i rules benoka liasü.

"Government rules aser notifications ajunga Governor dangi benogo aser pai agizükba

sülen sorkari department dang mapa kuma inyaksü sangoktsüsü. Iba temelenshi ya urban aser suburban areas nung asütsü kechiyong rural villages ama masü item nung yimtsüng tasen aika adokogo" ta Minister Kenye-i yashi osangbener den jembidang ashi.

Iba temelenshi ajanga power 35-40% akoksaba azüoktetsü aser Smart Metering System tenzükba sülen power akoksaba ajema akümstsü ta pai ashi.

"Asen nisungi Smart Meters enoktsü memulunger aser iba ya tai lir anungji asenoki iba ya angatetdaksütsüla" ta Kenye-isa ashi.

Tawa Assembly session nung Chief Minister Neiphu Rio-ia Electricity Management communitization meyipa reprangshimtsü kechiyong iba ajanga Rs 300 crore shi akoksar ta ashi.

Alima ainba ama urban aser rural areas nung libaliro aser power appliances amshiba kasa

dang lir. Tanü power demand/ consumption teimba agiyonga aoer aser yamai dang ora communitised villages ajanga Nagaland asoshi takoksa tulutiba bentsür arutsü, ta CM Rio-isa ashi.

"Nagaland nung state energy consumption ji 804.57 MU (2023-24) lir aser nungi Rural Villages-i 25% (201.14 MU) shi agir" ta Minister Kenye-i ashi.

SPM metering ajanga Department-i Rs. 112.64 crores (Appox) angutsüla saka yimtsüng 1408 (VEMBs) nung 58 MU units indang dang sen angur ta pai ashi.

"Single Point Metering (SPM) nung metokmepari aser minimum Households billing ajanga SPM billing nungi Rs. 30.1 crores dang angur aser iba ajanga kümshia Rs. 82.54 crores akoksar. Nagaland nung communitised villages 1408 aliba nungi yimtsüng 16 bo urbanize tesemtem lir" ta Minister Kenye-isa ashi.

Lokti nung education yagi temelenshi adokdaksür: Angh La Ganesan



Dimapur, Rongjui/Sept. 07 (TYO): St Joseph's College Jakhama nung September 6, 2024 nü Graduation sentong agiba nung Nagaland Angh La Ganesan dena liasü.

Iba sentong nung Angh-i jembidang lanur temi takok anguba pela agizük aser reju-i shilem tajung agiba tenüngsang agütsü.

"College-i academic, professional aser takum yinya nung kaketshir nem tashi balaka agüja anitetba atema tenüngsang agütsür aser iba atema ajaki college nem tenüngsang agütsütsü langa lir," ta pai ashi.

Lokti ka nung education yagi temelenshi tenzükdaksür, ajisiüka education nung tanüla aser mulungsentsü jenjang shidak nung amshiba ajanga tarutsü senso lenmang shidak

nung aniteter, ta ashi.

Anogo ishika tejakdang National Accreditation and Assessment Council (NAAC) ajanga St. Joseph's College (Autonomous) nem Grade 'A' agütsüba osang angazüka Angh-i pelaba lemsatop. Ketdangsürtem, tesayur aser kaketshir temi bendanga agütsür meranga inyakba temaitsü iba takok ya lir, ta pai ashi.

Nisung takum ka ya stages balala ajanger aser yangji tanur asüdang, teinlonglong mapang aser lanuwa densema lir. Item ajak nung pei müketa aliba angatetsü kija shia ayongzükjen ayongzükter, ta Angh-i ashi.

Asen takum nung college azüngba mapang ya tajungtiba lir. College azüngba anogo bilemteta jangratemba lanur temi teti menungrar, Anungji

academic tsütsü dang mesü lenla balala nung temonungratsü mapa jenti inyaka alitsü südi, ta pai ashi.

Degree angur kaketshirtem dang parnoki meranga azüngba atema pai tenüngsang agütsü saka linük yangerba maparen nung pei sempet aser tashi maneni amshitsü ayongzüka liasü.

"Ato Kilonser Narendra Modi-i ashiba "Amrit Kaal" ama asenok tanü putu tasen kumbang nung nokdaka lir. Aser ibai yimchiyimjung aliba linük asoshi benzüba mapang ka lir, anungji asenok ajak lungjemer inyatsüla," ta Angh La Ganesan-i ashi.

Asenok benjongba mapang maneni tarutsü tia nung rangloker linük meima inyaksangshitsü ayongzükter, ta pai ashi.

Duncan Dimapur nung Poshan Maah sentong agi



Duncan Council Hall, Dimapur nung September 6, 2024 nü Poshan Maah sentong agidang tangokba noksa ka nung Renchano Odyuo, CDPO Dimapur (U), Dr. Rose aser ketdangsürtem angur.

Dimapur, Rongjui/Sept. 07 (TYO): Duncan Council Hall aser Duncan UPHC, Dimapur nung September 6, 2024 nü Rashtriya Poshan Maah (National Nutrition Month) 2024 sentong agia liasü.

Taküm Poshan Maah sentong ya Anaemia, Growth Monitoring, Complementary Feeding, Poshan Bhi Padhai Bhi (Nutrition alongside Education), Technology for Better Governance amala nung rangloker agir.

Iba sentong nung menden Asen Walling, District Coordinator POSHAN Abhiyaan ajanga sentong tenzüka jembidang Poshan Abhiyaan kübok Poshan Maah ya Nutrition month ama 2018 nungi küm shia September ita amunger aser tila tanur aser tetsürtem chiyingsü peria achi-

ajem masüba tebilemtsü koktetsü asoshi lenmang bushiba nung nüburtemi shilem agidaksütsü asoshi lir ta ashi.

Renchano Odyuo, CDPO Dimapur (U) ajanga ICDS indang jembidang, tetsür aser tanurtem dak kongshiba tebolemtsü indang awareness agüja sentong ayongzükba ajanga Integrated Child Development Services (ICDS) program indang nüburtemi tali tejangjaba metetsü ta ashi.

Item campaigns ya ajanga nüburtemi tetsür aser teburtem anepalutsü ajungmesotsü. Item campaign ya ajanga tetsürtem bendanga amshiba, tetsür chanu tepok nung lia raksa indokba aser kinü tanur asüdang tepseta indokba nungi kumzüksü, ta ashi.

Ajidang masü ICDS

program yagi Anganwadi centres ajanga Nutrition and health education, Health check-ups, Referral services, Immunization and vaccination, Supplementary nutritional feeding, Primary childcare and education amala agütsür, ta lai ashi.

Medical Officer, Dr. Rose, In-charge of Duncan UPHC ajanga Anaemia nung tali rangloker, kechiaser iba tashidak yagi talisa tanur, teinlonglong tetsür, mashisa aser tanur sozüklü tetsür dak kongshir, ta ashi.

Poshan Maag 2023 mapang sensitization maparen crores 35 dak tema nyak aser anaemia dak rangloker inyakba maparen crore pezü shi liasü aser itemji ajanga mashisa tetsür lakh 69, nubentsür tetsü lakh 43, teinlonglong tetsür lakh 22 ajangzük, ta lai ashi.

Küm nung anaben nutrition dak rangloker linük tesem balala nung campaigns (Jan Andolan) agiba nungi teyari angur crore 10 dak tema lir.

Iba sentong ya District Programme officer, Dimapur CDPO (U) ajanga Health and Family Welfare aser Duncan Council, GMS Duncan Lotha Khel aser I&PR den lungjemer ayongzüka liasü.

Iba sentong nung Duncan Council züngsem nungia o tatsütsü jembi aser sentong temer Anaemia Screening Camp aser Health Check-up Camp agia liasü.

OM Books

DIMAPUR Christian Book Fair

9 - 21st SEPTEMBER 2024
9:30 AM - 5:30 PM
(Sunday Closed)

📍 O.M Books, A.H Road, opp. Dimapur Sumi Baptist Church, Chakhesang colony, Dimapur.
☎ 98620 08081

A collection of 9 Valuable Books

1. Every day with Jesus - 299
2. Quick Scripture Reference for Counseling - 249
3. How to Read the Bible For all its worth - 249
4. 101 Bible Lessons - 325
5. Fire of Revival - 99
6. Peace with God - 225
7. Heart of Christian Leadership - 199
8. Preparing Expository Sermons - 275
9. New Evidence that Demands A Verdict - 949

1950 /-

2557, offer Price 1950/-

Fazl Ali College Mokochung küm 65 jungogo



Fazl Ali College, Mokochung indang 65th Foundation Day mapang tesemdanger tongti, Thsuvisie Phoiji, DC Mokochung aser Principal FAC den sempet anguba kaketshirtem külemi tangokba noksa nung angur.

Dimapur, Rongjui/Sept. 07 (TYO): Fazl Ali College Mokochung indang 65 buba Foundation Day nüngtem nung sentong ka September 7, 2024 nü college auditorium nung agia liasü, kong tesemdanger tongti ama Deputy Commissioner, Mokochung, Thsuvisie Phoiji dena liasü. Iba sentong nung academic year 2024 atema alakteta takok tajung ngutetba kaketshirtema tushia liasü.

Iba sentong nung Fazl Ali College, Mokochung indang vice-principal LS Vinod Kumar-i pela agizükba o jembidang, Foundation Day ya college tenzüka aser koma melenshia aru, itemji bilemtetsü mapang lir, ta ashi.

Asenoki Foundation Day amungdang mezünpur mamadoktsüla, shirnoki nüburtem nem shisaliok tajung agütsütsü mangdang yur bendanga agütsür inyakba ajanga tanü iba jenjang tongteta lir, ta pai ashi.

Lenla balala nung College-i takok balala aser tuluba bener arua lir aser 'centre of excellence' ka akumtsü atema asenoki meranga inyaksüla, ta pai ashi.

Principal, FAC, I Wati Imchen ajanga iba anogomung o jembidang küm shia College-i takok balala anguba aser terenlok aliba indang tongmelang agi rasaa ashi.

Kaketshir temi academic tsütsü takok balala anguba aser tesayur temi lenla balala nung takok anguba indang pai shisem.

Paisa College nung ki o jen terenlok aser yangi international aser national sentong balala ayongzüka agiba indanga metetdakja liasü.

Tesemdanger tongti Thsuvisie Phoiji-i iba sentong nung jembidang, Fazl Ali College ajanga nüburtemi metettsüsa nisung tejangja jenti adokdaksüo ta ashi aser Principal-i anir tesayirtem aser kaketshir temi department balala nung takok tajung ngutetba atema tenüngsang agüja liasü.

Pai takok tajung nguteter nem tenüngsang agütsü aser ibai parnoki bendanga agütsür azüngba temaitsü lir ta ashi.

Pai kaketshir dang maneni tetoktepa tanüla bener azüngtsü aser sempet ya tatishitsü ka ama amshia pei nükjidong nung takok angutsü asoshi mangdang yur inyaksü ayongzük.

"FAC ya mapang talangka kanga tongtibang aser ajaki nüshiba kaket reju ka ama lia aruogo aser nübu tajung aika aniteta pei lenmang nung takok tajung nguteta lir aser yamaji maneni inyaksü imlar," ta Mokochung DC ajanga ashi.

Iba sentong ya Imlinungla, Asst. Prof. & HOD, Department of Zoology, FAC lenisüba kübok agi, kong Drama Club ajanga saya ka aser Music Club-i ken ka ajanga shilem agia liasü aser Rev. Lima Lemdur, Pastor, Union Church, FAC ajanga college atema sarasademtsü.



September 07, 2024 nü Jammu nung BJP nung inyakterem senden nung Union Home Minister Amit Shah aser Minister of State, Jitendra Singh na adenba noksa nung angur.

India nung healthcare workers dak temelaba TB menar

New Delhi, September 07 (Agencies): India nung healthcare workers (HCWs) temelaba tuberculosis (TB) menatsüa akok, ta tawa study tasen ka ajanga bushitetogo. Nütsüngtem den medemdangra TB tashidak ya healthcare workers dak teimba keta lir, aser ibaji ajanga iba tashidak nungi kümzükba alitsü atema inyaksü aser healthcare facilities tajungba akümtsü kanga nüngdakba sayur, ta kasa study ajanga metetdaksü.

"Prevalence of Tuberculosis Among Healthcare Workers in India: A Systematic Review and Meta-Analysis," ta ajaba study ya Teerthanker Mahaveer University, Moradabad nungi Dr. Ravindra Nath aser VMMC & Safdarjung Hospital aser Dr. Baba Saheb Ambedkar Medical College, Delhi nungi medical tsütsü mongintemi agia liasü.

Parnoki 2004 küm nungi 2023 küm tashi nung agiba study balala 10 medemdangba den külemi asadanga liasü. Healthcare Workers 100,000 shia nungi healthcare workers 2,391.6 dakbo TB tashidak puteta liasü. Iba denji

medemdangra healthcare workers masüba nütsüng 100,000 shia nungi nisung 300 dak dak TB tashidak putet. TB ya menatepba tashidak ka lir aser iba ya Mycobacterium tuberculosis ajanga adokdaksü.

Alima nung TB agi shiranger shilem 25 shibo India nung lir. Healthcare workers temelaba TB tashidak menatsüa akok, kechiyong parnoki TB agi shirangerem anepalur.

Kasa study ajanga, healthcare workers sa süaka technician tem dak kanga bulua TB putet. Health Technician 100,000 shia nungi parnok 6,468.31 dak TB putet. Nurse 100,000 shia nungi 2,726.83 dak TB putet aser doctor 100,000 shia nungi 2,006.18 dak TB putet.

Iba tashidak kanga bulua menatepba tongti kulitem rongnung- hospital tem nung mopung aodak ventilation peria maliba, mopung sadema mesenzüba aser N95 ama personal protective equipment (PPE) peria mamshiba ajanga lir.

Iba study agirtemi healthcare workers iba tashidak nungi kümzüksü atema tangsa mera

balala agia inyaksü nüngdak, ta metetdaksü.

Talisa healthcare workers dak mapang shia TB tendangtsü, mapang ajak nung PPE amshitsü aser ventilation systems tajungba akümtsü parnoki metetdaksü.

Parnokisa TB tashidak menatepba indang awareness agütsütsü atema training programs agitsü metetdaksüba den külemi healthcare workers nem mental health services agütsütsü aser chiyungtsü tajung peria agütsütsü metetdaksü.

2025 küm tashi nungbo India linük nung TB tashidak samatsütsü atema nükjidong yua lir, aser iba nükjidong ataloktsü atema healthcare workers iba tashidak nungi jenbua lidaktsütsüji kanga tongtibang, ta parnokisa metetdaksü.

"TB samatsütsü atema asen healthcare workers kümzüksü nüngdak. Item tebushitetbatem ajanga shiranger anepalurtem kümzüksü kanga nüngdak ta sayur," ta Safdarjung Hospital nung Department of Community Medicine Director, Dr. Jugal Kishore-i metetdaksü.

India-i Chad linük nem medical teyari seret 2,300 agütsüögo

New Delhi, Rongjui/ September 07 (Agencies): Africa kübok Chad linük nung mi lendong tulu atalokba sülen India-i iba linük nem medical teyari seret 2,300 bener yokogo, ta Honibarnü Ministry of External Affairs (MEA)-i metetdaksü.

Medical teyariji Honibarnü New Delhi nungi apusoa bener yokogo; medical teyari rongnung taküm kümzükba antibiotics densema mozü tapu balala densema lir.

"India nung 'Vishwabandhu' tangatetba nung alima rangbenji medemer ama India-i züngshir. India-i Chad nem teyari agütsür: India - Vishwabandhu, alima atema medemer! Mi lendong atalokba sülen India-i Chad sorkar nem agütsüba medical teyari rongnung taküm kümzükba Antibiotics mozütem aser General Medicines aika densema lir," ta MEA otongdar, Randhir Jaiswal-i X ajanga metetdaksü.

"Medical teyariji seret 2300 shi lir aser ibaji tanü Delhi nungi apusoa yokogo," ta paisa

shisem.

Taküm June ita nunga Chad yimtiba nung sepaitem injang rizüngba depot ka nung mi lendong tulu ataloka liasü.

Iba lendong nung nisung 9 asü aser nisung 40 dak tema yirua liasü. Alima tesem balala nung lendong atalokba mapang nung India-i linük aika yariogo aser mezüng yarir bendang linüktem rongnung India densema lir.

Taküm June ita nunga India-i Haiti nem blood transfusion osettem densema medical teyari balala agüja liasü. Haiti nung züyümkümlen rong ka nung mi adoka nisung 40 asüba sülen India-i medical teyari agütsü.

June ita nungsa India-i Papua New Guinea nem teyari balala seret ton 19 agüja liasü. Iba linük nung anentsüh lendong tulu ataloka nisung jenti asüba aser kiojen aika raksaba sülen India-i teyari oset balala agütsü.

May ita nunga Kenya nung tzümetsüng lendong tulu atalokba sülen India-i Kenya nem teyari oset balala den medical supplies agüja liasü.



September 07, 2024 nü Bhiwani nung Delhi Chief Minister aser AAP convenor Arvind Kejriwal kinungtsü, Sunita Kejriwal aser AAP lenir, Anurag Dhanda na tetsürtem senden ka nung adenba noksa nung angur.

Haryana election nung Vinesh Phogat-i Julana menden nungi tokteptsü

New Delhi, September 07 (Agencies): Congress-i Haryana Assembly elections atema tang mezüngbuba 'list' nung party candidates 31 tenüng sangdongogo; wrestler Vinesh Phogat-ia Julana menden nungi tokteptsü.

Hokolbarnü Phogat aser

wrestler- Bajrang Punia nati Congress party nung denogo. Taoba mapang Haryana Chief Minister aser Congress lenir Bhupinder Singh Hooda-i Garhi Sampla-Kiloi assembly constituency nungi tokteptsü aser Congress state Tir, Udai Bhan-i Hodal (SC) menden nungi tokteptsü.

Haryana nung October 5 nü election agitsü aser October 8 nü vote azüngtsü. 2019 küm Haryana assembly elections nung single largest party ji Bharatiya Janata Party liasü aser parnoki Jannayak Janta Party aser Independent MLA 7 den lokteper sorkar aküm.



September 07, 2024: Vijayawada nung Indian Army tem aser sorkar ketdangsertem yaritepa tzümetsüng agi kongshiba tesem ka nung mapa inyakdang tangokba noksa nung angur.

FORM NO. 14
(See Regulation 33(2))

**OFFICE OF THE RECOVERY OFFICER- III
DEBTS RECOVERY TRIBUNAL, GUWAHATI**

Suwarna Bhawan, House No. 12, New Town Path,
Near Hanuman Mandir, G.S. Road, Ulubari, Guwahati- 781007 (Assam)

DEMAND NOTICE

Recovery of Debts & Bankruptcy Act, 1993 nung Sections 25 nungi 28 tashi aser Second Schedule to the Income Tax Act, 1961 indang Rule 2 kübok sangdong agütsür.

**RC / 301 / 2023
CANARA BANK
-Versus-
MR. VIKUOSA SOPFUNUO**

To,
(CD 1) MR. VIKUOSA SOPFUNUO
Son of Lhalie Sopfunuo, House No. 172 A khel Diphupar A, Chumukedima, Dimapur- 797112, Nagaland.

OA/299/2022 nung DEBTS RECOVERY TRIBUNAL, GUWAHATI nung Presiding Officer-i tuyuba ama Recovery Certificate nung ajemdaker tetuyuba agütsür, **Rs. 65,87,679.03 (Rupees Sixty Five Lakhs Eighty Seven Thousands Six Hundred Seventy Nine and Paise Three Only)** den pendenteillite aser **01-06-2022** anogo nungi tenzuka ita shia future interest @ 14.25% Compound Interest aser costs Rs. 68,255/- (Rupees Sixty Eight Thousands Two Hundred Fifty Five Only) na anema sentsüh lir (Jointly and Severally/ Fully/ Limited).

(1) Recovery Certificate nung aliba sentsüh:	Rs.	65,87,679.03
(2) 01.06.2022 nungi 12.01.2024 tashi nung interests @14.25%	Rs.	15,17,422.22
(3) Costs	Rs.	68,255.00
TOTAL	Rs.	81,73,356.25

- Iba notice agütsüba sülen anogo 15 tsungda metetdakja aliba senji agüjang ta nü dang tuyur, mesüra Recovery of Debts Due to Banks & Financial Institutions Act, 1993 aser yangji aliba Rules kübok sentsühji alanzüksü.
- Maneni taruba ken o angadanga anogo mesüra iba anogoji matongdang nü meyong kiojen affidavit nung sangdongang ta tuyur.
- Maneni ken o angadangtsü atema **20-11-2024** anogo nung anepdang 10:30 ako nung tsunglanglen sign süa alir matsungdangi arung, ta nü dang tuyur.
- Tekalen shia aliba sen denji külemi nai item ya-a agütsütsüsa akümtsü:
- (a) Certificate / execution proceedings indang notice agütsüba mapang nungisa tenzuka item ama interests agütsütsü.
- (b) Iba notice aser warrants agütsüba den külemi sentsüh alanzüksü atema tanga inyakyimtem aser inyangsanga mapang costs, charges aser teindokba ajak agütsütsü.

Tsünglanglen kü meyongnem aser Tribunal indang seal agütsür, iba anogo nung: 11-06-2024

**RECOVERY OFFICER
DEBTS RECOVERY TRIBUNAL GUWAHATI**



TIR YIMYIM YIMOBILEM (EDITORIAL)

DIMAPUR AMUNGNÜ, SEPTEMBER (RONGJUI) 08, 2024

Lokti nunga Pai reprangtetter

Alima nung alir nisung onsara aika aser ano item rongnungji asenok dang nungi tuluba, temeteba aser takarba nisung jentinangka dang lir. Anungji, asenoki aiben asenoksasa kanga ilaa bilemtsüa akok. Aji oda, tangaria asenokji mezüngshitsüa akok mesüra asenokji tangar dang nungi kecha balaka masü ama bilemtsüa akok. Ajisüaka, Tsüngremibo asenok nisung shiaji tangar dang nungi balaka aser tangar dang nungi tongtibangba ta anogo shia repranger. Asenoki Pa dang sarasadembaji asenoki zübazübaa yimya ka ama dang bilemtsüa akok, saka iba sarasademji Pai angashir aser Pai asenok tenüngteta moatsür. Osang tajung Luke tapu 19 nung tatalokba otsü ka yamai shia lir : Kenü anogo Yisu Khrista Yerikoi ooya liasü. Pa sülen anidaker, Pa ajuruner aser Pa repranger nisung onsara aika asünungji, telokti jagi Paji nungbanga yur Zakia-i Yisui tenük agi angutsüa mekoki aküm, kechiaser Laishibai ashir, paji tar tatsü liasü. Aji oda, Zakia atema Yisu ajurutsüabajibo tamakoktsü liasü, saka pai Yisui süia aoba danga ngura, pa atema ibaji mulungzüngzük tuluka asütsüba liasü. Zakia ya yimdong kazür tanur ka masü, pa ya tangar memenepba mashimalu nisung ka masü. Laishibai ashir, pa ya alimelen sarur aser takar nisung ka liasü. Ajisüaka, pa jenjang aser rongsen akabaji pai Yisu ngunüba dang nungi tilaba liasü. Iba tejangraba, taginüba aser tarongba jagi pai tanur ama kümer, Yisu jak reprangtsü asoshi süngdongi atu. Tanü tendak asen lima nung nungtugu nisung ka ajanga süiba reprangtsü asoshi Zakia ama tulur aser takar kati süngdongi tur ataba asenoki angu nungbo, asenokibo menütsütsü sudi. Ajisüaka, Zakia mulung nung Yisu ngunüba tejangrabaji kenyongi balaka liasü. Aji oda, pai Yisu aotsüba lenmang len jelia orr mungodong jagi tur ataa alidang, pa dang nungibo Yisuiang paji tama angu. Zakiaibo Yisui tangu dang ngurabang, iba jagi temulung asütsüba liasü, ajisüaka Yisui pa dang ashi, " Zakia, yakta along, kechiaser tanü ni nür kidang anentsü." Atangji, Yisui Zakia dang Pa par kidang anentsü ta ashidang, pa temenen pur liasü. Yisui Pa pa tenüngteta jar, Pa par kidang anentsü ta ashiba o ji Zakia atema tesüngmangtsü taochi o ka liasü. Lokti onsara asüba agi tejaka reprangtsü mekoki aliba nisung ka kidang Yisu arua anentsü ashiba osangji aika atema tamamangtsü osang ka liasü. Iba jagi aika metsüdak. Ajisüaka, Zakia atemabo ibai Tsüngrem nungi tekümtet anguba anogo ka liasü. Alima nunga takar aser tanüla nunga tekümtet tejangja metetba nisungji Zakia aküm. Zakia par kidangi Yisu aniketba mapang nung jagi paji nisung kenyongi balaka küma adok. Zakia Yisu majuru tashibo pa akaba ajakji pa meyong dang ta pai bilem, saka kodang pai Yisu ajuru, pasasa pai pa rongsenji makartem nem agütsütsü mulungtet. Yisu agizükba temulungjangji ken nung yamaji melenshir. Iba temelenshiji tangari milen sangwa ama angur. Aji oda, Zakia dak inyakba ama tanü Yisui asen taküm aser kibong nung inyaktsü mulunga lir. Zakia Yisu par kidangi mejaok, pai tangudang ngunü, saka Yisui Zakia bilemba dang nungi kanga agia tuluba taochi aser maongka agütsü. Yisui Zakia taküm indang metetba ama, Pai asen taküm otsü ajunga meteta lir, Pai asen taküm yimya aser asen taginüba meteta lir. Asenoki Pa dang ochishia shidi, Kibuba, ni na nguner. Aiben asenok lokti rongnung külemi Tsüngrem o angar mesüra tamangertem rongnung asenoka shilem agir. Asenoki tangar taküm aser kibong nung Yisui mapa inyakba angashir. Tesem aika nung Yisui sayatenya mapa inyakba asenoki angashir, ajisüaka asenok taküm aser kibong dakbo kecha balaka mekongshir. Iba ama mapang nung Yisui asenok mangu aser memetet amai asenoki bilema alitsü. Tangarbo jungtsür aser tangarbo moatsür, saka asenokbo majunger aser memoatsür ta tezüdanga asenoki bilema alitsüa akok. Ajisüaka, Yisui asenok tiaji ngua dang lir. Pai asenok ajak tenüngteta meteta lir. Lokti tulu nunga Pai asenok reprangtetter. Iba ama tezüdanga bilemba mapang, asenoki Yisu angutsüsa tangar tamang dang nungi talila tur atatsüla. Asenok mulungjang nung Pa ngunüba tejangraba, teyongyaba aser tetzüraba alitsüla. Zakia ama takar nisung kati tangar nisung ka reprangtsü asoshi süngdongi atutsü maak, David ama chuba ka mulungjang nung Tsüngrem tanüla ajurunüba tetzüraba tulu liasü. Aji oda, parnoki Tsüngrem ajuru. Parnok amaji, asenoki dang Tsüngrem ngunüa bushira, Tsüngremi tama asenok angutsü.

OLEMSABANG

ALIMA TEJAKLENI Aoba DEN AROGO INYAKYIMA MELENSHIA AOR

~ L. Kika Pongener.

Tanü putu ya kechisarena ajak tejakleni aoba putu ka nung asenok alir. Aji oda, iba amaji arogo inyakyima kanga melenshia aor. Ajisüaka, iba ama melenshia aoba nungji, inyakyim karbo temetongshitsü lir amai bilemba kar lemsatepnur. Tanü town arogo kar nungbo tershilem tenla-a 'Online' ajanga Bank account nung enoktsüa alitsü akok. Khen bilemtsübo aji mapa bulu kecha mali mapa tem-temer, saka ano kanga junga bilemdangra, teshisadangtsü lir ama bilemer. Surabangla, Tsüngrem-ia tershilem tenla ya kong agütsütsü ashir (?) Laishiba nunga iba indang koda shia lir...??? Malaki ainkar-i tershilem tenla agütsütsü indang yamai shia angur..."Kü kidang chiyungtsü akatsü asoshi tershilem ajunga terizüngdak kidangi bener arung" (Malaki-3:10). Malaki ainkar-i terizüngdak kidangi bener arung ta ashibaji...Tenladak sabangi bener arung ta ashir asü (?) Mesura tanga tesem kar nung agütsütsü indang ashir (?) Aji oda, tenladak sabangi bener arur Pastor-i agizüka meshiteter, kong ayutsü tim idakji ayutsüba indang ashir sudi...ta nibo angateter. Ashiko, kü tangatetba-jiang tai asü masü'ar nibo yamaji dang angateter. Surabangla, terizüngdak ki-ji koba asütsü (?) Tamasa tenladak sabangi bener arur Pastor-i agizüka meshiteter külen-ang, terizüngdak safe box/bank account nung ayubaji shitakba asütsü...??? Kü tamang tila agi angatetba-bo...Ibajiang inyakyim teindangba aser shitakbaji asütsü ama angateter. Anungji iba indang ya Doctrinal tsütsü nungia koda ashir (?) Iba teratetji lai puti meteter kari rajema angatetdaksü nungpo kanga jungla...Kechiyong iba indang ya arogopur ajaki kanga junga rajema angateta/meteta alitsü kanga tongtipanga ta nibo bilemer.

Tejen putu mapang nunga, nuburtemi temenen pongitsü asoshi tenla ajunga Putir dangi bener arur, Putir-i agizüka, Tsüngremi melaba tsüzüng ozüngtem shitak benshia tenladak sabang (Altar) nung tarungba tenla agütsüba laishiba nung zülua angur. Anungji kü tamang tila agi angatetba-bo, tershilem tenla-a suang temoatsü/tepela/tenüngsang tenla-a suang, item tenla ajakji tenladak sabangi tamasa bener arur, Pastor-i agizüka Tsüngrem nem tenüngsang agüja meshiteta sarasadem külen, kong/koba tesem nung rizünga ayutsü tim yangji rizünga ayutsüla ta nibo angateter. COVID-19 wara agi Lockdown asüba mapang nung, tenlaki lapoka mekülemtetba agi, arogo aika nung tenla ajak Online ajanga Bank account nung enokdakja aruogo sudi. Aji oda, ajibo alima tensa mapang agi memelaba agi kechi inyakogo aji tim dang inyakogo. Ajisuaka, tenla ajungaji tenladak sabangi bener arua agütsüabajisa tajungtiba ta nibo angateter...Nuburtem-ia koda ashir...??? Anungji akokba tashi tenla yabo mezüngbuba tenladak sabangi bener arutsüla aser Pastor-i agizüka meshiteter külen-ang, bank account nunga suang...Mesura koba tesem nung sudir suaka ayutsüla ta nibo angateter.

Tanü alima tejakleni aoba den liromedema, arogo inyakyima melenshia aor. Arogo aika rongsen nung kanga takar kümadoker...Yongji arogo Developments & Infrastructures kanga renloka aor. Tenlaki, Office, Guest-Room, Conference Hall, etc. ajak Air Condition yangluteper. Arogo Gari (Vehicle) tajung amshir, arogo tenzükertema karbo Gari jenjang tasak (Luxurious Car) amshia alitsü akok...Ano pei nija kisü-jensü mapa-a karbo sen crore menden tashi agi yanglua alitsü akok.

Aji oda, iba ama terenlok mapatem inyakba otsü/osang angazükdang, nübur aika temulongjang nung tasüngdangba aika asüngdang...??? Tanü lim arogo aika nung rongsen ketdangsuba nung arogopurtemi tamang makatetsüsa/tashishitsü keta inyaktepba otsü/osang angazükdang nübur aika kanga sungmanger...!!! Aji oda, ochimashi ketdangsuba nungji, ashiko, lim arogo aser tenzükertema aikabo jenbua malitsü sudi.... Joko nuburtemi Tsüngrem lar-tem daka dena tamang makatetsüsa asen lima tensa tia küma aor asü...??? ta nübur aikati shisadanger.

(Maneni asüng adok nung...)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Russia sepaitemi Ukraine nung Tenla ki 600 raksatsüogo



Russia sepaitemi Ukraine nung raksatsüba Tenla ki kar noksa nung angur.

September 06, 2024: Taoba mapang Soviet Union nung aliba linük balala nung Khrista osangtajung prokba ministry-i, European & Asian Christian ministry-i, Russia nunger sepaitemi Ukraine tesem ajaklen yimsü temeden anema inyaker, aser 2022 küm nungi tenzüka tang tashi nung sepaitemi Ukraine nung Tenla ki 600 shi raksatsüogo, ta metetdaksü.

Mission Eurasia indang "Faith Under Fire" report ajanga, sepaitemi raksatsüba Tenla kitemji teimbaka missiles, drones aser artillery amshia amakba ajanga lir; iba dak alia Russia nunger sepaitemi Arogo kiojentem nungia auyaogo, Tenla ki aika shibangtsüogo aser Tenla ki karbo administrative building ama amshir, ta metetdaksü.

Russia nunger sepaitemi Tenla ki aika military base ama amshir, ta kasa report ajangasa metetdaksü.

"Hopta shia Russia nunger sepaitemi Tenla kitem mesüra sarasadem ki karbo atsünga agiba mesüra auyaba osang angashir," ta report nung shia lir.

Tang tashi nung yimsü dak sendakba kiojen 630 raksatsüogo. Iba nungji Tenla ki 600 densema lir; Tenla kitem

teimbaka Evangelical Khristantem indang liasü.

Mission Eurasia ya taoba mapang Soviet Union nung aliba linük 13 nung Khristan lenirtem nem training agütsüba ministry ka lir.

"Ukraine nung reshikangshi kanga atalokdar. Kodang parnoki territory balala atsünga agidir parnoki Tenla kitem nungi nisungtem meindoker," ta Mission Eurasia nung Tir, Sergey N. Rakhuba-i metetdaksü.

"Parnoki pastor tem, minister tem, putirtem aser Arogo lenirtem anema inyaker aser iba tesem nungjagi ajak meindoker," ta Sergy-i metetdaksü.

Russia-i Ukraine amak metenzükdangbo Ukraine nunger Khristantemi yimsü temeden ajak ngua liasü, ta paisa metetdaksü.

"Ukraine nung yimsü temeden aliba ama iba linük meketa aliba linüktem nung yimsü temeden iba dang nungjagi tajungba aliba nibo memetet. Ukraine sorkari yimsü temeden ajungkettsür aser Tsüngrem dak amangertem ajak nem yimsü temeden agütsür. Arogo aser yimsü balala amanger ajak nem temeden

agütsür. Tsüngrem külemtsü atema ajak nem kasa temeden agütsür," ta paisa metetdaksü.

Rakhuba-i Ukraine aser Russia naprongla nung lidangogo aser pai ashiba agi, linük ana nungji yimsü temeden jenjang medemdangra kanga tepila tulu lir.

"Reshikangshi ajanga onoki Moscow nungi oadok. Bendanger missionary organization shirnoksa bendang linük den affiliation lidir Russia nungi meindoker. Parnok kongi aoer?. Parnoki Ukraine-i aoer, kechiyong parnoki kasa tesem nungsa tenzüknar aser Ukraine-ibo teka salar parnok pelaa agizüker," ta paisa metetdaksü.

Mission Eurasia-i ashiba agi, Russian Orthodox Church-i joko Arogo ka ama masü saka sorkar indang sobaliba-yimtenren kongsang ka ama inyaker.

"Ukraine-i sarasadem nüngdaker. Ni America nung Khristantem dang maneni sarasademtsü mepishir. Ukraine-i parnok yimsü temeden aser nüchiso atema nokdaktetsü asoshi Ukraine nem takok agüjang ta sarasademdaksüner," ta paisa mepishia metetdaksü.

Nepal nung yimsü temeden tamajungba akümer

September 07, 2024: International Christian Concern-i report ka ajanga Nepal nung tamangba yimsü temeden tamajungba akümba metetdaksüogo.

Nepal nung ozüng balala aser telatetbatem ajanga Khristantem densema minorities temeden mesademi akümer; Nepal nung Hindu yimsü Nepal nunger amangertem dak alaka tanga yimsü amangertembo alitsü kanga tasak kümogo, ta ICC-i metetdaksü.

Nepal nung

Khristantem aser tanga minorities bo loktiliba nung sendoker; parnokbo linük sensotem ama mezüngshir, ta report nung shia lir.

Iba linük tesem ajaklen pastor tem aser Arogotem anema inyakba ajanga tamangba lokti balala tsüngda tesendaktep mejungi kümogo.

Nepal nunger General Code ozüng kübok tamangba yimsü meyipdaksüba nokdanger aser aibelenertembo küm 6 tashi tepuokdak ayutsü

asert bendanger süra linük nungi meindoktsü.

National Penal Code 2017 ajanga-a pei yimsü tangar den lemsateptsü memeler. Nepal linük temzüng nung yamai shia lir, "shingaiia tanga yimsü amanger ka tanga yimsü dangi memeyipdaksütsü mesüra tanga yimsü amangertem meinprong masütsü."

Ajisüaka Nepal nung yimsü aser lokti tentet balalai tamangba yimsü temeden atema sorkar ketdangsertem den tongtepratepa inyaker.

ANOGO ABEN TSÜNGREM DEN

KATI KA ASOSHI SARASADEMJANG

Anungji nenok aneptsü asoshi kati ka madang temenen nangzükang, aser kati ka asoshi sarasademjang. Temeshipuri sarasademba aser inyakba nung tashi lir.

~ Yakob 5:16

Tsüngremi meimchir yanglur soyapokya alitsü melaba ya maparen ajak nung kati ka khu bentepa yaritepa alitsü yutsüba ta angateter. Kati ka dak metaloktepba tepela, tejashi, timtem aser mapa tasak balala ajurudang kati ka nungi shisa agia nüngdak balala nung yariteptsü asoshi yanglu. Yamaji ali shi mapa aser tenela wadangtem nung yaritepa arur. Tongtipangsa tanü putu nung tsürabur, chirnur aser adianutem tesem balala nung prokshia liteper saka sarasadem tashi agi mepilai alentepa alir, kechiaser sarasademtsüba nung anisüngzük aser tepela tulu lir.

Mapang balala nung asen taküm aser kibong nüngdaktem asoshi khuret bena sarasademmer ajia kanga dang tongtipang saka tangar mesüra alima ajunga asoshi sarasademtsütsü mebilemteter mesüra tezü atanger. Saka ajangshia alirtemi metet, ajak rongnung tangar asoshi aria bilema aser khuret bena sarasademtsütsüji temoatsü tulutiba aser jangratemtsü ka lir. Yisui tebu Tsüngrem dang asenok asoshi mepia sarasademtsüba Yohan 17:11 Temeshi Oba asenok kechi koda ka danglir, aji oda parnoka ka dang alitsüsa nai shir kü nem agütsü, parnok ne tenüng nung sotang kati ka asoshi sarasademtsüba nung temoatsü tulu lir.

Khristan NGOs-i Foreign funding özüngtem ajanga tetsükdaksü ajurur

Washington, D.C, metetdaksü.

September 07 'Dissension of (Agencies): India, China, Financial Aid & Algeria aser Libya Humanitarian Efforts in linüktem nung foreign Algeria, India, China and funding inyakyim tsütsü Libya' ta ajaba report telatetba tasen yangluba ajanga Khristan aser temzüng organizations atema yanglushiba ajanga tetsükdaksü kanga bulua Khristan melungtet akümba metetdakja lir; teloktem aser Khristan talisa China ama organizations aikati linüktem nung 'Belt and timtem ajangshidar, ta Road Initiative' ta ajaba International Christian mapatong ajanga Concern (ICC)-i Khristan melungtet metetdaksü. teloktemi timtem kanga

ajangshir, ta meimchirtem nem teyari metetdaksü. agütsütsü atema Tetsükdaksü jenti Khristan organizations liaka item ama report asoshi foreign funding ya ajanga iba tebilemstü kanga tongtibang, onük nung o lemtepa ajisüaka foreign funding lenmang karbosa anema temzüng-özüng b u s h i t e t t s ü s a tesashi yangluba ajanga ajungmesotsü imlar, ta t i m t e m e r t e m kasa report ajanga meyariteter, ta ICC-i metetdaksü.

AO OSHI ANGAZÜKDAK: TANÜ ANGAZÜKTSÜBA OJANG



Tami

(n) tebur tzü aoba shilem (penis)

* Natzü nar pei teka aser tami tzü agi shitoktsüla.

Tamjudang

(n) tangar tetongtechi petsatsüba (seduce someone's partner)

* Tamjudang jakla adener den memedemtsüla.

OLONG PAITEP # 6918

1			2			3			4	
			5		6		7			
8										
			9							
	10									
									11	12
			13				14			
15						16				

TIPIEN

- 1. Anenzükdak ki - (5)
- 3. Asür mangyimba - (5)
- 5. Temulung nung shisadang - (5)
- 8. T ___ lu - (3)
- 10. Takdang temalen - (9)
- 11. Tesa ___ a - (3)
- 13. Ajungbena temulungjang tongtonglatsü atu - (5)
- 15. Tejen lai nung tesayur - (5)
- 16. Tsüingsak-mopung - (5)

LANGTSÜNGLEN

- 1. Reprangdaksü - (4)
- 2. ___ ur - (3)
- 4. Kiojen yangludak - (6)
- 6. ___ ait - (7)
- 7. Nagaland nung ayong ka - (5)
- 9. Küm kasa purtem - (5)
- 10. Tetsüng tajemtdak - (6)
- 12. ___ adenshi - (4)
- 14. Tsünüsenbongtsü adokdak - (3)

OLONG PAITEP # 6917 TELANGZÜBA

TIPIEN :

- 1. Telunglung, 5. Kaket, 7. Oru,
- 8. Tenük, 10. Kar, 12. Kisen,
- 14. Lun, 15. Nashi, 17. Ola,
- 19. Tasak, 21. Anisüngzük.

LANGTSÜNGLEN :

- 1. Taret, 2. Nok, 3. Nao, 4. Putu,
- 6. Asüku, 9. Kin, 10. Ken, 11. Anasa,
- 13. Akok, 16. Inyak, 18. Ain,
- 20. Sen.

NAI-A YA METETTER MA



British tech content creator Arun Rupesh Maini-i alima nung "largest smartphone replica" yanglutetogo. Maini dang Mrwhosetheboss ta ajar aser pai 6.74 feet tasazük iPhone 15 Pro Max ka yanglubu ajanga Guinness World Records nung otsü tasen ka yanglu.

Manipur nung ITLF Media Secretary anema FIR ka benok

Imphal, September 7, 2024 (Agencies): Manipur nung Indigenous Tribal Leaders' Forum (ITLF) Media and Publicity Secretary Ginza Vualzong anema FIR ka benokogo.



September 4, 2024 nü Imphal Police Station nung BNS Act kübok Vualzong anema FIR benok aser iba nung Manipur nung tang kin o kin tsüngda raratepba atema onük kar benoka lir.

"Vualzong-i Meitei aser Kuki-Zo tsüngda mepetmesü adokdaksü. Pai social media post dena tashishitsü aketba ken o aika sangdong aser Meitei nung anema raratsü ajungmeso" ta FIR nung shia lir.

"Vualzong-i bendang lima nung senotsü bushia ITLF maparen nung amshi. Vualzong-i inyakba mapatem ajanga May 3, 2023 nungi rara adokba tamajungba kümdaksü akok. ITLF ajanga prangpong

aser drone technology amshiba ya bendang lima nungi aruba sen ajanga aliba ama temulung malemer. Anungji BNS Act nung Arrla 3(5), 3(6), 46, 49, 61 kübok pa anema ken o benoker" ta FIR nungsa shia lir.

Ajisüaka, Vualzong-ibo pai tai kecha meinyak ta ashir. "Meitei aser Kuki-Zo nung tsüngda mangatetep ka lir. Iba ama mapang ka nung telok anaprongi ka anema mapa inyak. Meitei nungeri ni anema FIR ana benokogo aser parnoki tai tongloktsübaji ka danga shitak mali. Iba ya rara mapang ka aser ozü tsükchirtemi ni aitsütsü meranger. Ni kü lawyer den jembitepdar" ta Vualzong-i osangbener dang ashi.

MNF-i Mizoram Women Commission chairperson anentsü akhanger

Aizawl, September 7, 2024 (Agencies): Mizoram State Commission for Women (MSCW) nung chairperson C Lalchhandami shimba atema Mizo National Front (MNF)-i police tsüngdang ken o ka benokogo.

for Women Act 2004 ajanga arishi küm 65 ajanga alir shinga MSCW nung chairperson meshimtsü ta lateta lir.

Lalchhandami-i sorkar aser arogo record ajanga arishi küm 67 adenogo ta Lalpianfela-i ashi.

Sorkari ozüng alema Lalchhandami nem MSCW chairperson inyakdaksütsü shim ta MNF legal board vice chairman Lalpianfela Chawngthu-i ashi.

MSCW chairperson atema eligibility criteria nung Lalchhandami-i age limit adenogo, ta pai ashi.

Mizoram State Commission

MNF-isa Lalchhandami dang September 9 nung mesüra matongdang mapa nungi anentsü takhangba agütsüogo.

Mizo Student Union (MSU)-ia Lalchhandami ya age limit adenoga ozüng alema shim ta tai tongloktsür.

Right to Information Act

nungi telangzüba ka ajanga Lalchhandami-i March 31, 2016 nü sorkar mapa nungi kümsük agi tonger anisüngzük anguba shia lir ta MSU-i ashi.

Külen, social welfare minister Lalrinpuii-bo Lalchhandami shimba nung sorkari tim masü inyakba kecha mali.

Lalchhandami-i agütsüba birth certificate ajanga la 1960 nung asoba shia lir ta Lalrinpuii-i ashi.

Sorkari birth certificate agizükogo aser iba nung ajemdaker Lalchhandami-i MSCW chairperson inyaktsü ta paisa shisem.

Meitei nung ka khaset; Rs 10 lakhs alang hon auya

Imphal, September 7, 2024 (Agencies): Manipur kübok Jiribam district nung Kuki nung telungpurtem ta temulung melemer kari Meitei nung tambur ka khaset.

Kuki telungpurtemi Rs 10 lakhs jenjang hon auya bener ao ta tasür kinungertemi ashi.

Tanep 5:15 ako meta Meitei nung teimba ser aliba Ningthemkhunou nung ki ka amak.

Telungpurtemji lar kidangi aru aser la den tetsü ka sota yur tebu mejanga lia khaset. Iba sülen parnoki hon aser sen auya bener jena ao ta tambusanger jalai ashi.

Iba ajanga Manipur nung kin o kin rara tamajungba akümba sayur aser nisung mejanga lia tepsetba aser auyaa bener aoba tatalokba mezüngbuba lir.

Manipur police-i iba ken o bushisüngdang südar aser iba mapa inyakertem aputsü bushitepdar.



Arunachal Pradesh nung ashishitep aketba hydropower project Siang Upper Multipurpose Project (SUMP) anema lungkak aيتدang shilem agiba atema Upper Siang district administration-i sorkar mapa inyakertem aser village chairman kar dangi notices yokogo. Central Civil Services (Conduct) Rules, 1964 kübok notice yok aser parnoki sorkar inyakim anema noktakba atema tasüngdangba agütsür. Ajisüaka anti-dam groups-i iba mapa aitsür aser administration-i iba mapatong anema ola adokba nembangtsütsü meranger ta ashir. Iba mapatong ya National Hydroelectric Power Corporation (NHPC) ajanga inyakker saka iba temeket nung alirtemi magizüker. Siang Indigenous Farmers' Forum-i anti-dam movement len anir aser parnoki notices magizükba metetdaksüogo.

Boeing Starliner alimai meyipa shilangogo, saka astronauts maden



(Abelen) Boeing Starliner spacecraft alimai meyipa shilangba noksa angur. (Achiji) Butch Wilmore aser Sunita Williams. (File photo)

New Mexico, Rongjui/Sept. 07 (Agencies): Boeing indang Starliner spacecraft alimai meyipa shilangba maparen tembangogo, saka yangji mener shilangtsü aliba astronauts tem International Space Station nung lir.

Tayimtsü tzungla ya orbiting lab nungi pilaba sülen autonomous mode nung anunglak nungi meyipa shilang. NASA indang Butch Wilmore aser Sunita Williams na mener anunglaki yokba sülen iba capsule nung technical tsütsü timtem ajuru aser astronauts kidangi anir shilangtsü timtem lir ta züngshia liasü.

Parnok ya SpaceX Crew Dragon nung meyipa shilangtsü, saka February ita nungang ataloktsü, koba ISS nung anogo ti amungtsü atuba ita ti tashi mungloktüsü akumer.

Starliner meyipa shilangba sülen NASA indang odongtar kati takok ngua ali nung alua anenba atema pelar saka mezüing sentong yangluba ama atalok asübo jungle ta ashi.

Iba tayimtsü ya ISS nungi ghonda trok shi agir alima atong. Honibarnü iba ya alima indang atmosphere-i tanaben ainba sülen New Mexico nung White Sands Space Harbor anasa tanemi alua anentsü atema parachutes amshia aonung 11:01 ako nung atong.

Butch aser Sunita ya junga lir aser teti kinungertem den jembir ta NASA-i shia liasü.

NASA indang commercial crew programme manager Steve Stich-i astronauts anaprong ya par mapa kanga meima inyaker ta ashi.

Boeing indang Starliner spacecraft nung astronauts mener ibai test flight mezüingbuba liasü.

Ajisüaka iba tayimtsü ya Florida nung aliba Cape Canaveral nungi June 5 nü khaketa yokli timtem balala ajurua liasü.

Iba capsule nung helium leaks aliba ajanga propulsion system-i totzü ai aser thrusters kar mapa shidak meinyaki akum.

Boeing aser NASA nung engineer temi ita aika iba technical timtem angatetsü meranga liasü, saka Starliner nung astronauts anir shilangtsü majung ta US space agency-i August ita tatemlen teletetba agi.

Iba tayimtsü alima tonga aluba sülen osangbener senden ka nung, "Nisungtemi ashitsübo takok ngua alua anenba atema asenok ajak pelar, saka asenoki sentong yangluba ama ataloknüa bilemba asenok ajak dak lir. Iba tayimtsü nung Butch aser Sunita mener alutsü sentong liasü," ta Steve Stich-i ashi.

September ita tatemlen SpaceX dang tayimtsü yoktsü mela lir, aser iba tayimtsü nung astronauts pezü mener atutsü sentong liasü, saka February ita alimai meyipa shilangba mapang Butch aser Sunita dener alutsü aliba mechi astronauts ana dang mener atutsü.

Butch aser Sunita ya taoba mapanga International Space Station nung mapang talanglang munga lir, anungji tena timtem mali aser sentong meyanglui ita ti tali amungtsü atema nungdakba ajak peria lir ta International Space Station manager Dana Weigel-i ashi.

July ita resupply mission ka yokba mapang ISS nung alirtemi nungdakba osettem bener yokogo, anungji parnok nungdakba aben-süoshi ajak peria lir aser ano cargo vehicle ka yoktsü, anungji parnoki

September ita tatemlen SpaceX dang tayimtsü yoktsü mela lir, aser iba tayimtsü nung astronauts pezü mener atutsü sentong liasü, saka February ita alimai meyipa shilangba mapang Butch aser Sunita dener alutsü aliba mechi astronauts ana dang mener atutsü.

Boeing indang Starliner spacecraft nung astronauts mener ibai test flight mezüingbuba liasü.

September ita tatemlen SpaceX dang tayimtsü yoktsü mela lir, aser iba tayimtsü nung astronauts pezü mener atutsü sentong liasü, saka February ita alimai meyipa shilangba mapang Butch aser Sunita dener alutsü aliba mechi astronauts ana dang mener atutsü.

Boeing indang Starliner spacecraft nung astronauts mener ibai test flight mezüingbuba liasü.

September ita tatemlen SpaceX dang tayimtsü yoktsü mela lir, aser iba tayimtsü nung astronauts pezü mener atutsü sentong liasü, saka February ita alimai meyipa shilangba mapang Butch aser Sunita dener alutsü aliba mechi astronauts ana dang mener atutsü.

Boeing indang Starliner spacecraft nung astronauts mener ibai test flight mezüingbuba liasü.

September ita tatemlen SpaceX dang tayimtsü yoktsü mela lir, aser iba tayimtsü nung astronauts pezü mener atutsü sentong liasü, saka February ita alimai meyipa shilangba mapang Butch aser Sunita dener alutsü aliba mechi astronauts ana dang mener atutsü.

nungdakba osettem bener yoksemsü, ta lai ashi.

Starliner nung timtem ajuruba ya Boeing asoshi takoksa tulu lir, kechiaser tawa tayimtsü nung timtem ajuruba aser küm pongu tejakdang lendong atalokba ajanga tenüing menüka senotsü tsütsü takoksa jenti ajuruba nungi shia maruteti lir.

Timtem aika ajuruba sülen lendong timtem majurui alimai meyipa shilangtetba ya company aser NASA asoshi tepelatsü osang lir.

US space agency yagi Boeing indang spacecraft tesendaktep merakdangnü. Saka par indang space shuttle fleet ya 2011 nung mapa nungi anisüngzükba sülen ketdangsurtem aser osettsüset belentsü atema Russia indang Soyuz spacecraft dak metaloka liasü.

Anungji 2014 küm NASA astronauts atema commercial space flights atema Boeing aser SpaceX nem contract agütsü - Boeing indang contract ya sen \$4.2bn (£3.2bn) jenjang aser SpaceX nem sen \$2.6bn (£2bn) jenjang contract agütsü.

Tang tashinung SpaceX yagi NASA atema crew flights toku tashi yokoho aser commercial mission kar yoka lir, saka Boeing asoshi ibai crewed mission mezüingbuba liasü.

Boeing indang Starliner ya spacecraft yangluba nung timtem ajurua küm aika menudakja arur aser 2019 aser 2022 nung nisung mamen yokba flight ana nung technical timtem ajurua liasü.

Ajisüaka ketdangsur mener tanaben yoktsütsü noklang nung noklang shilem tamang akar, ta NASA administrator Bill Nelson-i ashi.

IMPUR CHRISTIAN HOSPITAL

ANM SCHOOL OF NURSING
IMPUR: MOKOKCHUNG, NAGALAND
(Permitted by State Nursing Council, Nagaland & Recognised by the Indian Nursing Council).
NO: ICH/NS/GEN-1/2024 Dated. 2nd September 2024
ADVERTISEMENT

Applications are invited from the unmarried girls for undergoing 2 years FHW/ANM course at the ANM School of Nursing, Impur Christian Hospital, Impur Mokokchung (recognised by INC) for the session 2024 -26

The following particulars are given for information of interested candidates:

1. The session will start from October 2024.
2. The last date for receipt of the application is 20.9.2024
3. Age: 17-25 years (as on 30.9.2024)
4. Qualification : Class 12 pass in any stream with 40% from recognised English Medium School Board, 45 % from recognised National Institute of Open School
6. There will be written and viva test (dates will be notified later)
7. No. of seats -20

Prospectus and Application form will be available from Impur Christian Hospital, Impur Clinic Mokokchung, on payment of Rs.200 or can download from abamimpur.org

Sd/-
Medical Superintendent
Impur Christian hospital.

HOMI BHABHA CENTRE FOR SCIENCE EDUCATION TATA INSTITUTE OF FUNDAMENTAL RESEARCH National Olympiad Programme 2024-2025 in Astronomy, Biology, Chemistry, Physics, Junior Science

Iba sentong nung shilem agitsü jangra aliba kaketshir ajungai National Standard Examinations (NSES) (science subjects atema) nung shilem agitsüla, koba Indian Association of Physics Teachers (IAPT) ajanga November 23 aser 24, 2024 anogotem agitsü.

International Olympiads of 2025 nung shilem agitsü asoshi NSE nung qualify asütsü ya mera mezüingbuba lir.

Enroll asütsü atema:

NSEs: <https://www.iapt.org.in> (Aug 21 - Sep 14, 2024)

For more details: <https://olympiads.hbese.tifr.res.in> <https://www.iapt.org.in>

CBC 48143/12/00011/2425

ALI
TAYOKTSÜ
LIR

At Unity Village, 5th Mile
Chümoukedima.
5 minutes walkable distance from NH 29
Contact: 8132908804

France PM tasenba Barnier mechi longkak aiter

Paris, Rongjui/Sept. 07 (Agencies): France indang ato kilonser inyaktsü atema Michel Barnier shimba mechi linük tesem balala nung longkak aiter.

Longkak aittsü ya political left nung aliba party temi ayongzük, kechiaser ato kilonser atema parnok shimba candidate ya Tir Emmanuel Macron-i magizük.

Parliamentary elections agir anogo 60 sülen Macron-i taoba EU Brexit ken o jembir ya shima liasü. Iba election nung tashi tait blocs aseme vote timba ngutet aser yangji left ya tulutiba liasü, saka National Assembly nung katia majority mongutet.

Television nung jembidang

centre right nungi Barnier-i left nungi züngsemtem dener sorkar ka tentetsü mulunga lir ta ashi.

Ajisüaka far-right party temi vote agütsüba nung Barnier tia metaloka lir, ajisüaka parnoki pa indang sorkar nung madentsü ta jangja-jangja shiogo.

Macron den senden ka mener office mapa agizüker anogo ka lir ato kilonseri sorkar ka kumtetsü maparen tenzükogo.

Right-wing Republicans aser tir indang centrist Ensemble group nungi lenirtem den jembishinüba sülen sensaksem kanga junga otar ta ashi.

Hokulbar nikongdang TV interview ka nung, left nungi

densema political party balala nungi minister tem shimtsü mulunga lir, ta arishi küm 73 tain Barnier-i ashi.

Ajisüaka left indang party tem ya Macron-i parnok indang prime ministerial candidate Lucie Castets magizükba atema jashir. Macron-i National Assembly nung vote of confidence agidang lai khenyongi takok mangutsü ta ashir.

Radical France Unbowed party nungi nübu tejen Jean-Luc Mélenchon-i France tesem ajungalen nübu ayongtena longkak aittsü ayongzük. Unions aser lanur telok kari shilem agitsü ta shiogo.

Hokulbar nikongdang ato

kilonser aliba kidangi aidang Barnier-i yimti, jila aser yimdakyimtsü nung nüburtem timtemba aser jashiba angatetteptsü nangzük.

Pai TF1 channel dang ato kilonser ka ama pai pension temelenshi, migration aser linük indang rongsenketzüng tensa reprangtsü, ta ashi.

Barnier ya Republicans nungi lir aser par party lenir Laurent Wauquiez-i ato kilonser indang sentong dak ajemdaker teletetba agitsü ta ashi. "Tang atema teletetba kecha mali," ta pai ashi.

Left telok nungi nisung kari ato kilonser atema Barnier shimba ya parnok meshidakba

nungi adok ta ashir. Socialist Paris Mayor Anne Hidalgo-i ashiba agi, tiri taoba Socialist ato kilonser Bernard Cazeneuve ya shimtsü bilema liasü, saka par party-i memulung ta ashi.

National Rally lenir Marine Le Pen aser Jordan Bardella nungeri Barnier sorkar nung madentsü ta shiogo saka vote of confidence atema teletetba magidang pai parliament-i bener aruba policy tem repranga atatsü ta ashir.

Left teloki vote of confidence agitsü amokmerener, saka far right teyari medeni parnoki Barnier metsükdaktsütetsü.

BCCI Chief Curator Ashish Bhowmick-i Nagaland Cricket Stadium semdang



BCCI Chief Curator Ashish Bhowmick-i Nagaland Cricket Stadium semdangba noksa nung angur.

Dimapur, Rongjui/Sept. 07 (TYO): 2019 kum Board of Control for Cricket in India (BCCI) indang Chief Curator ama shimsang Ashish Bhowmick-i Honibarnü Sovima, Chümoukedima nung aliba Nagaland Cricket Stadium semdanga liasü. Nagaland Cricket Association (NCA) ajanga BCCI matches tem ayongzüksü aliba atema asaya moapu yanglushiba asadangsü atema pai iba tesem ya semdanga liasü.

SL. NO	NAME OF TOURNAMENT	MATCH BETWEEN	FROM DATE	TO DATE
1	RANJI TROPHY	NAGALAND VS ARUNACHAL PRADESH	11-10-2024	14-10-2024
2	RANJI TROPHY	NAGALAND VS MANIPUR	18-10-2024	21-10-2024
3	COL. C.K. NAYUDU TROPHY	NAGALAND VS GOA	20-10-2024	23-10-2024
4	RANJI TROPHY	NAGALAND VS SIKKIM	06-11-2024	09-11-2024
5	COOCH BEHAR TROPHY	NAGALAND VS GUJARAT	06-11-2024	09-11-2024
6	COOCH BEHAR TROPHY	NAGALAND VS BENGAL	28-11-2024	01-12-2024
7	COL. C.K. NAYUDU TROPHY	NAGALAND VS SAURASHTRA	25-01-2025	28-01-2025
8	COL. C.K. NAYUDU TROPHY	NAGALAND VS UTTAR PRADESH	01-02-2025	04-02-2025

US Open 2024: Errani-Vavassori nati mixed doubles kokogo

New York, Rongjui/Sept. 07 (Agencies): Sara Errani aser Andrea Vavassori nati Bresthostibarnü Taylor Townsend aser Donald Young den US Open tarep temeyoktep final asayaba nung 7-6 (0), 7-5 agi kokogo aser Young ya asaya nungi anisüngzükogo.

Errani, shibai külem Italian tsür Roberta Vinci den külemi tetsür tarep nung Grand Slam ka nung takok ngua liasü, lai taoba ita Jasmine Paolini den külemi Olympic nung tetsür tarep asaya nung gold medal nguteta liasü.

"Ni atema taküm ya khenyongi balaka lir. Ibai jangratemsüla," ta Errani-ashi.

Townsend aser Young na tanur asüandang nungi medemer liasü aser tena nem iba asayamung nung shilem agitsü atema wild card agüja liasü, koba arishi kum 35 tain Young atema asayaming tatembangba liasü. Taoba mapang junior ranking nung tematiba jenjang nung alisang Young ya pickleball dangi meyipba sülen kangabo masayai liasü.

"Result ya onoki aginüba ama masü, saka iba dang nungi jenjang tajungba mongutetsü amai bilemer, tanur asüandang reprangba



Sara Errani & Andrea Vavassori

nung arishi tepiyong metettepa alir ka den külemi asayatsü ya ni atema jangratemsüka liasü," ta Young-ashi.

Townsend tenati quarterfinals nung defending champions Anna Danilina aser Harri Heliovarra tsükdakja liasü.

Ajisüaka seed tasembuba nung alir Errani aser Vavassori nati tiebreaker amokbanga asayateta takok angu.

Errani ya tarep temeyoktep nung kum ti masayai arur Wimbledon nung Vavassori den külem sür asaya liasü. Tena ya round mezüngbuba nung tsükdaksü aser Olympics nung quarterfinals atong aser iba sülen New York yagi arua liasü.

Iba mapang Bhowmick-i BCCI asaya atema nungdakba standards tongtetsü atema facilities aser asaya tesem kanga junga semdanga liasü.

NCA yagi domestic season 2024-25 atema BCCI asaya ti ayongzüksü lir, koba tongtipang tesem ana, Nagaland Cricket Stadium aser Sovima Cricket Ground nung ayongzüksü lir.

BCCI nungi ketdangsüri iba tesem semdangba ajanga Nagaland nung cricket infrastructure tajungba kuma renlokba sayur aser NCA ajanga asayar aser fans atema world-class facilities agütsüsü asoshi inyakba ajiteter.

Item asaya ayongsü atema Nagaland inoksemba ya region nung cricket atema terenlok tsütsü alizüng tongtipang ka lir.

Paris Paralympics 2024: Naganunger Hokato Sema-i bronze angu



Hokato Sema

Paris, Rongjui/Sept. 07 (Agencies): Nagaland nungi Hokato Hotozhe Sema-i Hokulbar aonung shot put F47 nung bronze nguteta India indang Paris Paralympics medal tally nung medal ka bendenloksü aser pai iba takok ya pa kinungtsü nem bendanga agüja liasü.

Pai takok anguba ajanga tang Paris nung tasayadak Paralympic nung India-i medal 27 buba angur alitsü.

"Ibai kü kinungtsü atema lir. Kü atema lai bendanga agütsür mapa jenti inyak. Ni chiyongtsü chia-jema training maneni agitetsü asoshi la aiben pokzüng liasü, kechiaser anogo nung anaben chiyongtsü atema sen peria meliasü," ta Sema-ashi.

"Ni yariba nung tongshi tulutibaji la lir. Ni tezü tanga bilem shia lai ni ajugmeso. La mali asübo tanü ni podium nung melila."

Ibai arishi kum 40 tain Hokato Sema asoshi Paralympics nung mezüngbuba shilem agiba alitsü aser tenur Shot Put - F57 Final nung pa asoshi tajungtiba 14.49m onteta liasü.

Sema ya aluyimer kibong ka nungi tanur pezü rongnung tanabuba lir. Lanuwa asüandang Sema-i linük tenzüksü asoshi elite Special Forces (SF) nung adentsü jangra liasü.

Ajisüaka October 14, 2002 nung Jammu & Kashmir kübok Chowkibal nung Counter Infiltration Operation nung shilem agidang land mine apokba nung pa tetsüng abelen temokok tsünglanglen sama.

Pune nung aliba Artificial Limb Centre nung senior army ketdangsür temi pa temang repranger shot put asaya nung merangdangsü ajungmeso aser 2016 kum pa arishi kum 32 lia iba asaya nung temulung agüja kasa kum Jaipur nung National Para Athletics Championships nunga toktepa liasü.

Sema-i tang Paralympics nung bronze anguba den külemi Asian Para Games 2022 nunga bronze medal ka angu aser kasa kum Morocco Grand Prix nunga silver ngua liasü.

Pai takok anguba sülen India Ato Kilonser Narendra Modi-ia social media sapang X nung, "Men's Shotput F57 nung Hokato Hotozhe Sema-i linük asoshi bronze anguba ya asen linük tejak

tentetba mapang ka lir. Pa dak tashi aser temulungtetba khenyongi balaka lir. Pa nem tenüngsang agütsür," ta zülüja liasü.

NAGALAND SORKARI HOKATO SEMA NEM SENPET SEN 1.5 CRORE AGÜTSÜSÜ

Paris Paralympic Games 2024 nung Hokato Hotozhe Sema-i bronze medal anguba sülen Nagaland sorkari pa nem senpet sen 1.5 crore agütsüsü ta sangdongogo.

Hokato Sema ya state nungi Olympics mesüra Paralympics nung medal angur asayar mezüngbuba alitsü.

Chief Minister Neiphiu Rio-i social media X nung "Hokato Hotozhe Sema atema onok tejak tenteter aser pelar... Pai India tejak tentetdaksü aser Nagaland wangshidaksü," ta zülüja liasü.

Hokato Sema nem Arjuna Awards agütsüsü asoshi state sorkari Government of India nem pa tenüng agütsüsü, ta CM-isa sangdong.

"Pai Olympics aser Asian Games nung takok anguba atema kisüng masü saka pai linük tasü ita tenzüksü atema pa mapa nung jenjang temabai ajungkettsü atema Indian Army & Ministry of Defence den jembitsü," ta Rio-isa ashi.

Hokato Hotozhe tenüng nung state sorkari saisapong temaba jenjangi ajungkettsü mera agitsü, ta paisa ashi.

India Tir Droupadi Murmu aser tatong tir Jagdeep Dhankar natia shot-putter Hokato Hotozhe Sema nem tenüngsang agüja liasü.

Landmine apokba nungi takum jenbusang Sema-i Paralympics nung takok anguba atema Tir Murmu-i tenüngsang agütsü aser tarutsü anogotem nunga takok tuluba angutsü imlaa atar ta ashi.

Vice President Dhankar-ashi ashi, Sema-i tatishitsü tajung sayutetogo aser iba takok atema linük ajunga pelar, ta ashi.

Hokato-i takok anguba ya linük ajungmesoba ka lir aser saisapongsü jangra alirtem asoshi teimla tulu lir, ta Lol Sabha Speaker Om Birla-ia ashi.

ANo JPNadda, Amit Shah aser Mansukh Mandaviya nungertem densema Union Ministers aikati Hokato Hotozhe Sema nem tenüngsang agüja liasü.



All India Traditional Wrestling & Pankration Federation (AITWPF) kübok Indian Sports contingent nung shilem ka ama Nagaland Wrestling Association (NWA) nungi züngsem ter (10), 5th World Nomad Games 2024 nung Belt & Mas Wrestling discipline kübok Astana, Kazakhstan nung shilem agitsü atema aodang Delhi International Airport nung tangokba noksa nung angur. Parnok ya September 15, 2024 nü Delhi-i meyipa shilangtsü imlar.

BILEMDANGANG

"Mapa ajak temeim nung inyakang."